

**Σεδες Ετεε
Ρotee Σε Υeye
Mma**

**ANKORANKORE NKWA NSEM A
EFA ABODEE FOFORO HO WO
KRISTO MU**

Des otwerese ne:

Michael Shattuck

Sede Ete Pote Se Yeye Mma

ANKORANKORE NKWA NSEM A EFA
ABODEE FOFORO HO WO KRISTO MU

*Twere Kronkron mu nsem a ewo nwoma yi mu
no nyinaa firi King James Twere Kronkron mu*

Dee otwerese ne:

Michael Shattuck

SEDEE WODE NWOMA YI BEDI DWUMA

1. Kenkan nwoma yi da biara.
2. Ka no bere biara kyere w'adwene ne wo kra ne wo nipadua ne tebea biara a wo wowo mu.
3. Fa saa kommye mpaeebo kwan yi so:
 - Tena ho anaa da ho dinn
 - Pae mu ka Assem no kese
 - Dwene Assem no ho wo w'akoma mu mpre pii
 - Ye no bio, Sane ye no bio, Sane ye no bio

Sɛ Wode Di Dwuma Sɛdeɛ Yɛakyerɛ Wo No A,

WOBENYA NSUNSUANSOŌ A WOREHWEHWE NO

AKYEDEE A YEWJ SE YEYE MMA

Wiase anhunu anaa wɔannye Ɔbɔadee Nyankopɔn no antom wɔ bere a ɔbaa asase so se Yesu Kristo, a ɔno ankasa nkurofoɔ Isrealfoɔ mpo ka ho bi. Nanso, wɔn a wɔgyee no no, wɔn a wɔnyaa ne mu gyedie no, ɔmaa wɔn akwannya a esom bo se wɔnye ƆNO ANKASA MMA

Saa nkwa foforo yi, saa awoɔ foforo yi, enye onipa biara pe, mmɔdemmo anaa nneye bi nti, na mmom, eye Onyankopɔn pe ne ne nkwa. Efiri ne pe mu na yeanya akyedee a esom bo se ye ye ne MMA.

SUSU DEE EWO A NE DEE EWO B NO HO

A Na Yesu ye yen ananmuhyses, ogyinaa yen anan mu, sades wode dee oyes no ho animuonyam bema yen.

Romafoɔ 5:8

Na Onyankopɔn yi ne do a doo yen adi kyere, efiri se, bere a yegu so ye nneboneyefoɔ no, Kristo wu maa yen.

II Korintofoɔ 5:14

Na Kristo do no hye yen; efiri se yebu atɛn se, obaako wu maa won nyinaa, nti na won nyinaa awu.

II Korintofoɔ 5:19

Ene se, Onyankopɔn wo Kristo mu repata aka wiase abo ne ho, na wammu won mfomsoo angu won so, na ode nkabom asem no asi yen mu.

B Yesu bɛyɛ sɛ dɛ na yɛtɛ pɛpɛpɛ. Onyankopɔn hunuu No sɛ ɔno ne yɛn. Ansa na Kristo rebɛba no, na yɛawuwu dada. Ɖwu maa yɛn sɛdɛɛ ɛbɛyɛ a, yɛne no bɛyɛ baako.

II Korintofoɔ 5:21

Ɛfiri sɛ, dɛ ɔnnim bɔne no, ɔde no yɛ bɔne maa yɛn, sɛdɛɛ ɛbɛyɛ a, yɛbɛyɛ Nyankopɔn tenenee wɔ ɔno mu.

Yesaia 53:9

Na wɔmaa ne damena fraa abɔnefoɔ ne adefoɔ dɛ mu wɔ ne wuo mu, ɛfiri sɛ wannɛ abɔnefosem na nnaadaa nni n'anom.

Mateo 27:46

Na ɛbɛyɛ sɛ dɔn a ɛtɔ so nkron no, Yesu de ɛnne kɛsɛ teaam sɛ, “Eli, Eli, lama sabaktani? Ɛne sɛ, “Me Nyankopɔn, Me Nyankopɔn, adɛn nti na woapo me?”

WƆBƆƆ ME NE KRISTO ASƆNNUA MU

[3] GalatifoƆ 2:20

WƆabƆ me ne Kristo asƆnnua mu. WƆbƆƆ me nipadua dada no ne Kristo asƆnnua mu. Kristo de me nipadua dada no kƆƆ asƆnnua no so na me ne No wuu wƆ hƆ. AsƆnnua no ye kwan a OnyankopƆn faa so yii me “nipadua dada” no firii hƆ. WƆbƆƆ me ne No asƆnnua mu, nanso mete ase; na Ɔnye me “nipadua dada” no, na mmom, Kristo te me mu. Mete ase wƆ gyedie mu wƆ OnyankopƆn Ba no mu. Menante wƆ gyedie mu, na Ɔnye m’ani. Mede gyedie na ƆbƆ me bra wƆ OnyankopƆn Asem no mu ne nipaban a, Ɔka sƆ meye ne des Ɔka sƆ mewƆ wƆ Kristo mu.

GalatifoƆ 2:20

WƆabƆ me ne Kristo asƆnnua mu; Ɔnye me ankasa na mete aseƆ yi, na Ɔye Kristo na Ɔte me mu; na ase a mete seesei wƆ honam mu yi, mete ase wƆ gyedie mu wƆ OnyankopƆn ba no a ƆdƆ me na Ɔde Ne ho maa me no mu.

[4] GalatifoƆ 6:14, WƆbƆƆ me ne Kristo asƆnnua mu. WƆnam N’asƆnnua no so abƆ me asƆnnua mu ama wiase na wƆabƆ wiase asƆnnua mu ama me. MewƆ wiase nanso menyƆ wiase dea. Wiase nni mfomsoƆ anaa tumi biara wƆ me so. AsƆnnua no so aninguaseƆ ne atƆnnie no kyere sƆ, wƆayi me afiri wiase afƆfƆdeƆ ne nnaadaa nyinaa mu. WƆabƆ me ne Kristo asƆnnua mu ama wiase.

GalatifoƆ 6:14

Na me des Ɔmpare me sƆ mshoahoa me ho, gye sƆ yen Awurade Yesu Kristo asƆnnua mu; Ɔno so na wƆnam abƆ wiase asƆnnua mu ama me, na wƆabƆ me nso asƆnnua mu ama wiase.

[5] **Romafoɔ 6:6**, Wɔbɔɔ me nipadua dada no ne Kristo asɛnnua mu. Wɔbɔɔ No ne me nneyɛɛ dada no asɛnnua mu. Wɔbɔɔ No ne me tebea dada no asɛnnua mu. Wɔde dadewa bɔɔ onipa dada a na meye no ne Ono famm asɛnnua no so. Meye onipa foforɔ, adeɛ foforɔ ne abɔdeɛ foforɔ. Wɔapepa me su a na eye bɔne no afiri ho. Me ne bɔne nni twaka bio. Me nipadua nye akadeɛ a yede ye bɔne bio. Wɔaye me nipadua bonini ne adewuiɛ ama bɔne. Menye akoa mma bɔne bio. Wɔabubu bɔne nhyɛsoɔ afiri me so. Wɔbɔɔ me nneyɛɛ dada, me nipadua dada ne me tebea dada no ne Kristo asɛnnua mu. Wɔbɔɔ wo (wo din dada) no ne Kristo asɛnnua mu.

Romafoɔ 6:6

Na yenim yei se, wɔabɔ yen nipadua dada ne No asɛnnua mu, se wɔbeyi bɔne nipadua no afiri ho sɛdeɛ yerenye nkoa mma bɔne bio.

ME NE KRISTO WUIɛ

[6] **Romafoɔ 6:8**, Me nipadua dada ne No na ɛwuiɛ. Me ne No kyɛɛ ne wuo no. Na ne wuo no ye me wuo. Me tebea dada ne No na ɛwuiɛ. Me ne No wu maa wiase, maa bɔne ne yadeɛ. Me ne No kyɛ Ne Nkwa seesei. Me ne Kristo wuiɛ.

Romafoɔ 6:8

Seesei, se ysne Kristo wuiɛ deɛ a, yɛgye di se ysne No bɛtena ase nso.

[7] **Kolosefoɔ 2:20**, Me ne Kristo awu. Me ne No wu maa sɛdeɛ wiase si hunu nneɛma. Me ne wiase nnyinasosɛm ahodoɔ ntam atete. Wiase ntumi nni me so bio. Me nni wiase nhyɛsoɔ ase bio. Me ne Kristo wuiɛ. Me ne No wu maa mmara no ho nnome a Ofa too ne ho so maa me no. Mewu maa bɔne, yadeɛ ne ohia.

Kolosefoɔ 2:20

Nti, sɛ mo ne Kristo wu firii wiase mu nnyinasosem ho a, adɛn nti na mode ahyɛdeɛ ahodoɔ toto mo soɔ sɛdeɛ moda so te wiase-

[8] Kolosefoɔ 3:3, Mawu na wɔde me nkwa ne Kristo ahunta wɔ Onyankopɔn mu. Me ne Kristo wu maa wiase yi ne wiase yi mu nneɛma. Akɔnnɔ a mewɔ ma wiase yi no ne Kristo na ɛwuiɛ. Wɔde me nkwa ankasa, me nipasu ankasa ne Kristo ahunta wɔ Onyankopɔn mu. Me ne Kristo awura Onyankopɔn kɔkoam nkwa no mu. Me nipasu foforo no ne Kristo nkabom no ahunta wɔ ɔdasani ani so wɔ Onyankopɔn bɔbea mu.

Kolosefoɔ 3:3

Na moawu, na wɔde mo nkwa ne Kristo ahunta wɔ Onyankopɔn mu.

[9] Romafɔɔ 6:10-11, Mewu maa biribiara a Kristo wu maɛɛ. Sɛdeɛ Kristo wuiɛ a ɔyii yen nyinaa firii bɔne kanko mu prɛkopɛ no, saa ara na mehunu me ho sɛ mawu ama bɔne. Mebu me ho, Mekan me ho, Medwene me ho, Mehunu me ho ankasa sɛ, mawu ama bɔne tumi. Yesu wu maa yareɛ ne bɔne na ɛsiane sɛ, me ne No na ɛwuiɛ nti, me nso mewu maa yareɛ. Me ne No wu maa bɔne so nnisoɔ, maa wiase ne yareɛ. Mete ase ma Onyankopɔn. Mewɔ Onyankopɔn nkwa no wɔ me mu. Wɔagyɛ me nkwa akɔhyɛ Yesu nkwa mu. Mete nkwa mu mapa a mede me ne Kristo nkabom bɛsom Onyankopɔn. Mete nkwa mu ma teneneɛ; Mete nkwa mu ma apɔmuden.

Romafoɔ 6:10-11

Na deɛ ɔwuiɛ no, ɔwu maa bɔne prɛko, na deɛ ɔte aseɛ no, ɔte ase ma Onyankopɔn. 11 Saa ara na mommu mo ho sɛ moawu ama bɔne, na mote ase ma Onyankopɔn wɔ Kristo Yesu mu.

WOSIEE ME NE KRISTO

[10] **Romafoɔ 6:4-5**, Wɔde me nipaban a na meyeɛ no ne Kristo asie adakamena mu. Wɔkataa me yadeɛ ahodoɔ ne m'akuro so nkyekyereɛ nyinaa ne Kristo so wɔ adakamena mu. Sɛdeɛ n'agya de n'animuonyam mu tumi nyanee No no, mede Ne nkwa foforo nwanwasoɔ no na enam. Saa nkwa no wɔ me mu na eno na ɛdi me so. Saa nkwa foforo no mu na metee na mekeka me ho. Ne wusoreɛ nkwa no wɔ me mu. Nkwa no a ɛmaa no tumi ma ɔdii ɔbonsam gyam ne ɔbonsam so no, saa nkwa no na ɛte me mu seesei. Made me ho afiri deɛ ɔba de ne ho bebɔɔ afɔreɛ maa me no nyinaa ho a, bɔne, nyarewa, ohia ne nkoasom nyinaa ka ho bie. Ɛsiane sɛ me ne No wuiɛ na wɔsiee me No nti, mabɛka Ne ho. Seesei a, wɔanyane me aka Ne ho nti, me ne No kye Ne wusoreɛ nkwa no.

Romafoɔ 6:4-5

Nti wɔnam owuo mu asubɔ so asie yeɛne No sɛ, sɛdeɛ wɔnam agya no animuonyam so nyanee Kristo firii awufoɔ mu no, saa ara nso na yɛbenante wɔ nkwa foforo no mu. Na sɛ yeɛne No aka abom aye baako wɔ ne wuo nsesoɔ mu a, saa ara nso na yeɛne no aka abom aye baako wɔ Ne wusoreɛ nsesoɔ mu.

[11] **Kolosefoɔ 2:12**, Nsuo asubɔ gyinaa ho maa m'ahyɛnsɔɔ wɔ Ne sie ne Ne wusɔrɛɛ mu. Wɔsɛɛ me ne No; Wɔnyanee me ne No. Wɔsɛɛ m'abakɔsem ne No. Wɔsɛɛ me yareɛ ahodoɔ ne No. Seesei, mewɔ nkonimdie nkwa foforo a asɔre wɔ me mu. Mewɔ kyɛfa wɔ Ne wusɔrɛɛ mu tumi ne nkwa no mu.

Kolosefoɔ 2:12

Wɔasɛɛ wo ne No wɔ asubɔ mu, na ɛno mu na wɔnam Onyankopɔn a wɔnyanee No firii awufɔɔ mu no adwuma mu gyidie so anyane wo nso.

WɔNYANEE ME NE KRISTO

[12] **Kolosefoɔ 2:13**, Wɔnyanee me ne Kristo. Agya no nyanee yɛn bɔɔ mu; Ohyɛɛ yɛn kena ntɛm bɔɔ mu. Ne wusɔrɛɛ nkwa no wɔ me mu seesei. Nkwa foforo no ara a, Onyankopɔn de nyanee Yesu no ara na ɔde hyɛɛ me kena ntɛm so. Ne nkwa foforo no ahyɛ me ma.

Kolosefoɔ 2:13

Na mo a anka moyɛ awufɔɔ wɔ mfomsoɔ ne mo honam momonotoyɛ mu no, wama mo Ne nkwa no bi, sɛ ɔde mo mfomsoɔ nyinaa kyɛɛ mo.

[13] **Efesofɔɔ 2:5**, Ɔde nkwa rema Yesu no, Onyankopɔn de nkwa maa me ɛsiane sɛ, wɔahyɛ me nso aka Kristo ho. Onyankopɔn hunuu sɛ mawu, Ohunuu sɛ wɔasɛɛ me, na Ohunuu nso sɛ wɔanyane me. Wɔnyanee me ne Kristo. Wɔahome saa nkwa foforo no agu me mu. Onyankopɔn noa ara na ɔmaa me Kristo nkwa foforo no, saa nkwa foforo no ara a ɔde hyɛɛ No kena no. Saa nkwa foforo no a ɛmaa Yesu yɛɛ ɔbonsam gyam atumfoɔ so wura no wɔ me mu.

Efesofɔɔ 2:5

Yɛn a anka yeyɛ awufɔɔ wɔ mfomfoɔ mu no ne Kristo anya nkwa (adom na wɔde agye mo nkwa.)

ME NE NO DII NKONIM

[14] **Kolosefoɔ 2:15**, Ne nkonimdie yɛ me nkonimdie, ɛsiane sɛ wɔhyɛɛ me nso kaa Ne ho. Ɔdii ewiem atumfoɔ ne tumidie ahodoɔ so maa me. Ɔdii wɔn so nkonim maa me. Na Ne nkonimdie yɛ me nkonimdie. Mewɔ kyɛfa wɔ Ne nkonimdie mu. Me deɛ, deɛ menim ne sɛ ɔbonsam yɛ ɔtamfoɔ a wadi ntwo. Kristo nkonimdie yɛ me nkonimdie. Ɔbonsam nhyɛsoɔ wɔ me so no aba awieeɛ.

Kolosefoɔ 2:15

Na ɔbrɛɛ ewiem atumfoɔ ne tumidie ahodoɔ ase no, ɔyii wɔn kyɛrɛɛ na ɔdii wɔn so nkonim wɔ mu.

[15] **Hebrifoɔ 2:14**, Ɛnam Kristo nkonimdie so ma ɔbonsam tumi brɛɛ ase wɔ me so. Wɔatu no afiri adeɛ so, wɔadi ne so nkonim, ɔnni hwee yɛ bio, tumi biara nni ne mu, wɔatu no, wɔabrɛ ne tumi ase, wɔabubu no, wɔamoa no na me deɛ, menim sɛ ne nnwuma aba awieeɛ. Me ne Kristo dii ne so. Na Kristo nkomimdie yɛ me nkonimdie ɛsiane sɛ wɔmaa me ne Yesu nkwa na wɔnyanee me ne Yesu.

Hebrifoɔ 2:14

Nti sɛdeɛ mma no anya honam ne mogya korɔ no bi no, saa ara nso na ɔno nso faa mu bi, sɛ ɔnam owuo so bɛtu deɛ ɔwɔ owuo tumi a, ɔno ne ɔbonsam no.

WŊNYANEE ME NE NO

[16] Kolosefoɔ 3:1, Wɔanyane me ne Kristo sɛdeɛ ɛbeyɛ a yɛbenya nneɛma a ɛwɔ soro, baabi a Kristo teɛ wɔ Agya no nsa nifa so hɔ. Saa ɔsoro agyapadeɛ a ɛnni awieɛɛ yi wɔ hɔ ma me sɛ mɛfa na mede agye m'ani. Onyankopɔn nneɛma nyinaa a ɛwɔ Kristo mu no yɛ me dea. Wɔnyanee me ne Kristo. Mewɔ kyɛfa wɔ N'animuonyam wusɔreɛ no mu.

Kolosefoɔ 3:1

Nti sɛ moanya ne Kristo anyane a, monhwɛhwɛ deɛ ɛwɔ soro, baabi a Kristo teɛ wɔ Onyankopɔn nsa nifa so no.

[17] Efesofɔɔ 1:19-21, Saa tumi no ara a ɛnyanee Kristo firii awufɔɔ mu no reyɛ adwuma wɔ me mu. Ne wusɔreɛ tumi no yɛ kɛsɛɛ ma ɛboro so, biribi ntumi nsi ano, ɛnni kabɛa, ɛtoɔ ntwa, biribi ntumi mmrɛ no ase, ɛyɛ nwanwa na tumi wɔ mu mmorosɔɔ. Ne wusɔreɛ tumi no reyɛ adwuma wɔ me mu ɛsiane sɛ, wɔnyanee me ne Kristo. Mewɔ kyɛfa wɔ Ne wusɔreɛ ho mfasɔɔ no mu. Wɔnyanee me ne Kristo.

Efesofɔɔ 1:19-21

Na ɛdeɛn ne Ne tumi kɛsɛɛ a ɛboro so ma yɛn a yɛgye die, sɛdeɛ n'ahɔɔden tumi adeyɛ a ɔde yɛɛ adwuma wɔ Kristo mu, nyanee no firii awufɔɔ mu, na ɔde no tenaa ne nsa nifa so wɔ ɔsoro no teɛ, a ɛkorɔn sene ewiem atumfɔɔ ne tumidie ne ahɔɔden ne nhyɛsɔɔ nyinaa, ɛne edin biara a wɔde toɔ, ɛnyɛ wiase ha nko ara na mmom wiase a ɛbsba no nso mu.

WODE ME TENAA KRISTO NKYEN

[17] Efesofɔ 1:19-21, Efesofɔ 2:6 ne Luka 10:19, Wɔanyane me aka Kristo ho. Ahɔden mapa korɔ no ara a snyanee No wɔ nkonimdie so wɔ ɔdasani atamfɔ so nyinaa no nso na snyanee me. Wode me atena ne nkyen, wode me ne No asi akonnwa so wɔ ahemman mu. Mewɔ kysfa wɔ N'ahennie mu tumi no mu. Me ne No di hene wɔ bɔne, ohia, yares, ahonhomfi ne ades nyinaa so. Deɛ ɛhyɛ ne nan ase biara hyɛ me nan ase, ɛsiane sɛ, wode me atena Ne nkyen. Ewiem atumfɔ, tumi ahodoɔ ne ahonhommɔne nyinaa hyɛ me nan ase. Yares ne ohia hyɛ me nan ase. Ɔbonsam hyɛ me nan ase. Mewɔ tumi sɛ mɛtiatia awɔ ne nyanyakyere so. Mewɔ tumi wɔ tumi biara a ɔtamfɔ no wɔ so.

Efesofɔ 1:19-21

Na ɛdeen ne Ne tumi kɛsɛ a ɛboro so ma yen a yɛgye die, sɛdeɛ n'ahɔden tumi adeyɛ a ɔde yɛɛ adwuma wɔ Kristo mu, nyanee no firii awufɔ mu, na ɔde no tenaa ne nsa nifa so wɔ ɔsoro no teɛ, a ɛkorɔn sene ewiem atumfɔ ne tumidie ne ahɔden ne nhyɛsoɔ nyinaa, ɛne edin biara a wode toɔ, snye wiase ha nko ara na mmom wiase a ɛsɛba no nso mu.

Efesofɔ 2:6

Na wanyane yɛne no abom na wama yene no atena ɔsoro ahemman mu wɔ Kristo Yesu mu.

Luka 10:19

Hwɛ, mema mo tumi sɛ montiatia awɔ ne anyanyankyerɛ ne ɔtamfɔ no tumi nyinaa so, na biribiara rentumi nyɛ mo hwee.

NKWA A ENNI AWIEEE: Deɛ nti a Yesu bɛba ne nkwagyɛ ho nhyehyɛ no botaɛ mapa

[19] Yohane 6:33, Yohane 10:10, 1 Yohane 1:1,2 1 Yohane 4:9, Wɔda nkwa adi wɔ Yesu mu. Ɔyɛ nkwamafoɔ. Deɛ nti a Agya no somaa Ɔba no ne sɛ, ɔmmɛ me nkwa. Deɛ nti a Yesu siane firii ahemman mu baa asase so ne sɛ, ɔmmɛ me nkwa- Onyankopɔn nkwa no bi, nkwa a enni awieeɛ. Mewɔ saa nkwa no wɔ me mu.

Yohane 6:33

Na Onyankopɔn paanoo ne Deɛ ɔsiane firi ahemman mu na ɔde nkwa brɛ wiase.

Yohane 10:10

Owifoɔ mma, gye sɛ ɔrebɛwia na wakum na waseɛ. Me deɛ mebaeɛ sɛ wɔbɛnya nkwa na wɔanya no mmorosoo.

1 Yohane 1:1,2

Deɛ ɛfiri ahysaseɛ, a yɛate, a yɛde yɛn ani ahunu, a yɛahwɛ no kwan, na yɛde yɛn nsa asom a ɛfa Nkwa asem no ho – wɔdaa nkwa no adi, na yɛahunu, yɛadi ho adanseɛ na yɛpae mu kakyerɛ wo sɛ nkwa a enni awieeɛ no a na ɛwɔ Agya no nkyɛn na wɔdaa no adi kyereɛ yɛn-

1 Yohane 4:9

Yei mu no, wɔdaa Onyankopɔn dɔ no adi wɔ yɛn so, sɛ Onyankopɔn asoma Ne dɔ babarima baako pɛ aba wiase, sɛdeɛ yɛnam Ne so bɛnya nkwa.

[20] **Romafoɔ 5: 18, 21**, Adam bɔne de honhom mu owuo brɛ wiase nanso Kristo teneneeyɛ abue nkwa a ɛnni awieɛɛ pono no. Na Onyankopɔn botaeɛ pɔtee wɔ Kristo mu ne sɛ ɔbɛma mayɛ ɔteneneeni na wama me nkwa. Kristo nkwagyɛɛ anammɔn a ɔtuis no maa medee me ho ma ɔmaa me nkwa. Onyankopɔn ka me ho nti, metene na wɔde nkwa a ɛnni awieɛɛ ahyɛ me mu. Onyankopɔn nkwa a ɛnni awieɛɛ no yɛ me dea seesei wɔ Kristo mu.

Romafoɔ 5: 18

Nti, sɛdes ɛnam onipa baako mfomsoɔ so de atemmuo baa adasa nyinaa so ma ɛkɔwieɛ afɔbuo mu no, saa ara nso na ɛnam Onipa baako teneneeyɛ so ma akyɛdes kwa baa nnipa nyinaa so ma ɛkɔwieɛ nkwa ho bembuo ara ne no.

Romafoɔ 5: 21

Sɛdes bɔne dii hene wɔ owuo mu no, saa ara nso na ɛnam teneneeyɛ so dekwɔ nkwa a ɛnni awieɛɛ wɔ yɛn Awurade Yesu Kristo mu bɛma adom adi hene.

[21] **Yohane 3:14-16, 1 Tesalonikafoɔ 5:10, Yohane 6:51**, Botaeɛ a ɛnam so ma Yesu hwieɛ Ne mogya guis na ɔwu maa me ne sɛ ɔbɛma me nkwa. ɔtuaa me bɔne ho asotwe. Seesei, wɔayɛ me teneneeni na mewɔ nkwa. Agya no de nkwa firi ahemman mu baa me so. Mewɔ saa nkwa no wɔ me mu seesei. Mewɔ Onyankopɔn nkwa no, ahemman mu nkwa no bi wɔ me mu.

Yohane 3:14-16

Na sɛdɛ Mose maa ɔwɔ no so wɔ ɛsɛrɛ so no, saa ara na ɛtwa sɛ wɔma Onipa Ba no so, na obiara a ɔgye no die no anhwere ne nkwa na wanya nkwa a ɛnni awieeɛ. Na sɛdɛ Onyankopɔn dɔɔ wiase nie, sɛ ɔde Ne dɔ ba a ɔwoo no korɔ maɛɛ, sɛ obiara a ɔgye No die no, anyera na wanya nkwa a ɛnni awieeɛ.

1 Tesalonikafoɔ 5:10

Ɔno na ɔwu maa yen, sɛ yenyane oo, yɛda oo, yɛne No ntena nkwa mu.

Yohane 6:51

Me ne nkwa paano a mesiane firii soro baɛɛ no. Sɛ obiara di paanoo yi bi a, ɔbstena ase afebɔɔ; na paanoo a mede bɛma no ne Me honam, ɛno na mede bɛma wiase nkwa.

NKWA A ƐNNI AWIEEƐ YƐ ONYANKOPɔN NKWA NE NE TEBEA

[22] Yohane 1:4, Yohane 5:26, Onyankopɔn yɛ honhom. Ne mu na nkwa wɔ. Ɛyɛ honhom mu nkwa, nkwa a ɛnni awieeɛ. Na Yesu wɔ saa nkwa no ara bi wɔ Ne mu. Meyɛ honhom. Manya saa nkwa no ara bi wɔ me mu. Onyankopɔn awo me na seesei mewɔ Onyankopɔn nkwa no wɔ me mu. Mewɔ saa nkwa no ara a ɛwɔ hɔ afebɔɔ, a ɛno ara te ne ho ase sɛ “ME NE ME” no bi wɔ me mu.

Yohane 1:4

Ne mu na nkwa wɔ, na nkwa no ne nnipa hann.

Yohane 5:26

Na sɛdɛɛ Agya no wɔ nkwa wɔ Ono ankasa mu no, saa ara na ɔde ama ɔba no nso sɛ ɔnnya nkwa wɔ Ne mu.

[23] Efesofoɔ 4:17, 18 || Peter 1:4,

Nkwa a ɛnni awieɛɛ no yɛ Onyankopɔn nkwa; ɛyɛ Onyankopɔn tebea. Mewɔ nkwa no, Onyankopɔn tebea no wɔ me mu. Mewɔ kyɛfa wɔ Onyankopɔn tebea no mu. Madwane afiri honhom mu owuo a ɛwɔ wiase a ɛnam bɔne so ba no ho. Mewɔ Onyankopɔn anksasa nkwa no wɔ me mu. Manya kyɛfa wɔ Ne su ankasa no mu ɛsiane sɛ, mewɔ Ne nkwa no wɔ me mu.

Efesofoɔ 4:17-18

Nti meka yei na medi adanseɛ wɔ Awurade mu, mma monnante bio sɛdɛɛ amanaman mufoɔ a aka no nante wɔ wɔn adwenehunu mu no, wɔn na wɔn adwenem aduru sum, na ɛsiane sɛ wɔnnim de na wɔn akoma apirim nti, wɔayi wɔn afiri Onyankopɔn nkwa nk ho;

|| Petro 1:4

Eno nso so na ɔnam akye yen bɔhyɛ akɛseakɛsɛɛ a ɛsom bo, na sɛ moanya adwane afiri wiase yi mu akɔnnɔ mu prɛɛ ho a, moafa yeinom so anya Onyankopɔn su no bi.

MEWƆ NKWA A ENNI AWIEEE WƆ ME MU

[24] **Yohane 3:3-6**, Me honhom no ne “me ankasa” a ste me nipadua mu. Yesu frɛe honhom no “onipa” Meyɛ honhom. Enam Yesu so ma Onyankopɔn awo me. Onyankopɔn asane abɛyɛ m’agya. Wɔawo me foforo, wɔawo me afiri soro. Wɔde Onyankopɔn nkwa no ahɛ me mu. Wɔawo me afiri soro, Onyankopɔn awo me, wɔde Onyankopɔn nkwa no ne ne tebea no awo me. Mewɔ Agya no abusua mu.

Yohane 3:3-6

Yesu bua see no sɛ, “Nokorɛ, nokorɛ mese wo sɛ, wɔanwo obi foforo a, ɔrenhunu Onyankopɔn Ahennie.” Nikodemo see no sɛ, “Eɛyɛ den na onipa a wanyini no, wɔasane awo no? Ɔbetumi akɔhyɛ ne ma yam bio na wɔawo no?” Yesu buaa sɛ, “Nokorɛ nokorɛ mese wo sɛ, wɔamfiri nsuo ne honhom mo anwo obi a, ɔrentumi nhyene Onyankopɔn Ahennie mu. Des wɔfiri ɔhonam mu awo no no yɛ ɔhonam; na des wɔfiri Honhom mu awo no no yɛ honhom.”

[25] **Hebrifoɔ 12:9**, Wɔde nkwa no a ɛwɔ Agya no mu no ahɛ me mu. Mewɔ ne Ne nkwa no wɔ me mu. Masane anya agya. Onyankopɔn ne M’agya, me ara m’agya. Na meɛ ɔno ankasa ba. Mewɔ Ne tebea no wɔ me mu.

Hebrifoɔ 12:9

Bio, yɛanya ɔhonam fam agyanom a wɔtenetene yɛn, na yɛde obuo maa wɔn. Yɛremfa yɛn ho nhyɛ ahonhom Agya no ase pii nsene saa mmom na yɛatena ase?

[26] 1 Petro 1:23, M'awoɔ foforo no ye Onyankopɔn nkwa no a enam N'asem so aba me so no ho awoɔ foforo. Sɛdeɛ Onyankopɔn nkwa no ahyɛ me ma no nti, n'asem no de Ne nkwa no ahyɛ me mu. Enam N'asem no so ama Onyankopɔn awo me na asem no na Onyankopɔn nkwa no wɔ mu. Mewɔ Onyankopɔn nkwa no ne ne tebea no. Wɔakanyan me, wɔnam Nkwa Asɛm a prɛɛ biara nni mu no so awo me foforo wɔ honhom mu. Meyɛ Onyankopɔn ba seesei. Onyankopɔn no ankasa ama me ne n'awosuo mu adedie a obi ntumi nsse no no. Onyankopɔn teasefoɔ no Asɛm a entwam da no ama manya agya foforo.

1 Petro 1:23

Sɛ wɔn a wɔamfiri aba a ɛporɔ mu na mmom wɔafiri aba a ɛmporo mu no ne sɛ, wɔnam Onyankopɔn asem a sbɛtena ho daa no so awo wɔn foforo.

[27] Efesofoɔ 2:1, Yohane 5:24, Na mewɔ owuo mfomsoɔ ne bɔne ahodoɔ mu. Owuo hyɛɛ me so, nanso Onyankopɔn ama mete ase. Mafiri owuo mu aba nkwa mu dada. Seesei mewɔ nkwa a ɛnni awieɛɛ. Seesei mewɔ nkwa a ɛnni awieɛɛ ho anigyɛɛ mu. Matra owuo hyɛɛ aba nkwa mu. Wɔasesa me afiri owuo mantam mu aba nkwa deɛ mu.

Efesofoɔ 2:1

Na mo nso, wama mo anya nkwa, mo a anka moyɛ awufoɔ wɔ mfomsoɔ ne bɔne mu.

Yohane 5:24

Nokorɛ, nokorɛ mese mo sɛ, deɛ te m'asem na ɔgye deɛ ɔsoma me no die no wɔ daa nkwa, na ɔremma atemmuo mu, na watwam afiri owuo mu ko nkwa mu.

[28] **Romafoɔ 8:2, Romafoɔ 8:10**, Nkwa ahyɛ me ma. Seesei mewɔ nkwa ho anigyɛɛ mu. Onyankopɔn nkwa no, ɔsoro ahemman mu nkwa no, nkwa no a ɛwɔ Yesu Kristo mu no, ɛno na seesei ɛwɔ me mu. Saa nkwa no ama made me ho afiri bɔne ne owuo mu. Tebea dada no firii hɔ, tebea foforɔ no baɛɛ ma medee me ho. Kristo atu mmara dada no agu, nhyehyɛɛ dada no, nnyinasoɔ dada no, bɔne ne owuo tebea dada no a na ɛwɔ me mu no. Wɔde Onyankopɔn teneneeyɛ no, Onyankopɔn nkwa no ankasa ahyɛ me mu. Wɔahome Onyankopɔn nkwa no agu me mu nti meɛ abɔdes foforɔ.

Romafoɔ 8:2

Na Kristo Yesu mu nkwa honhom mmara no agye me afiri bɔne ne owuo mmara no mu.

Romafoɔ 8:10

Na sɛ Kristo wɔ mo mu a, ɛsiane bɔne nti, onipadua no awu des nanso, honhom no wɔ nkwa ɛsiane teneneeyɛ nti.

SEDEE WODE NKWA A ENNI AWIEEE MAEE

[29] || **Timoteo 1:10 Ne Hebrifoɔ 2:9**, Yesu nam sɔ a ɔde Ono ara ne honhom sɔɔ saa owuo no hwɛɛ no so yii honhom mu owuo ne me tebea dada no firii hɔ. Ɔpɛpaa me tebea dada no firii hɔ. Mewɔ Ne nkwa no wɔ me mu seesei. Matwam afiri owuo mu kɔ nkwa mu.

II Timoteo 1:10

Na afei wɔnam yen Agyenkwa Yesu Kristo mmaeɛ so ada no adi, ɔno a wayi owuo afiri ho na ɔnam asempa no so de nkwa ne adeɛ a ɛmporo aba hann mu.

Hebrifoɔ 2:9

Na deɛ wɔbrɛɛ no ase maa no kaa kakra bi na wato abɔfoɔ a ɔno ne Yesu no, yɛhunu sɛ owuo amanehunu nti wɔde animuonyam ne anidie abɔn no abotire, na wafa Onyankopɔn adom so aka owuo ahwe ama onipa biara.

[30] Asomafoɔ No Nnwuma 2:24 Ne Asomafoɔ No Nnwuma 2:27 Ne 28, Yesu wuu wɔ honhom mu sɛ me nhyɛananmu. Wɔmaa no sane baa nkwa mu wɔ honhom mu wɔ berɛ a ɔdii me bɔne ho atɛnteneneɛ so asotwe ho dwuma wieɛɛ no. Wɔpepaa me tebea dada ne honhom mu owuo no na wɔmaa me nkwa wɔ Kristo mu. Oyankopɔn maa me nkwa wɔ Kristo mu. Yesu nam me wuo a ɔfa too ne ho so ne me bɔne ho asotwe a ɔtuaɛɛ no so dii nkonim de nyaa nkwa maa me. Mewɔ saa nkwa no wɔ me mu seesei.

Asomafoɔ No Nnwuma 2:24

Ono na Onyankopɔn anyane no wɔ berɛ a ɔsanee owuyea ahoma no ɛsiane sɛ, na ɛnyɛ adeɛ a ɛbstumi atintim ne so.

Asomafoɔ No Nnwuma 2:27-28

Ɛfiri sɛ worennya me kra wɔ asamando na woremma wo Kronkronni no nhunu porɔɛ. Wokyerɛ me nkwa akwan; Wobɛma anigyɛɛ ahyɛ me ma wɔ W'anim.

[31] | Petro 3:18; Kolosefoɔ 1:18; Adiyisɛm 1:5; Asomafoɔ No Nnwuma 13; 32-34, Wɔnyanee Yesu wɔ honhom mu ansana wɔrenyane No wɔ anikan so. Onyankopɔn kyɛɛ No nkwa wɔ Ne hongom mu. Yesu na ɔdi kan a wɔwoo no foforo maa nkwa. Ɔsɔɔ owuo hwɛɛ maa me. Wɔnyanee no bio maa me. Ɔdii dwuma na ɔgyinaa mu maa me. Ɔgyinaa m'anana mu. Onyankopɔn de nkwa guu me fotoɔ mu wɔ berɛ a Ɔde maa Ne Babarima. Ɛyɛ sɛ deɛ wanyane me no ara pɛ. Ɔfaa me tebea dada, honhom mu owuo no. Ɔhunuu amane wɔ me bɔne ho sɛdeɛ ɛbɛyɛ a ɔbɛdi atentenene ho asotwe no so ama mayɛ ɔhoteeni na manya nkwa a ɛnni awieɛɛ. Ɔnyaa nkwa maa me na saa nkwa korɔ no ara a wɔde hyɛ ne mu no te me mu seesei.

| Petro 3:18

Ɛfiri sɛ Kristo nso hunuu bɔne amane prɛko, deɛ ɔtene hunu maa wɔn a wɔntene, sɛdeɛ ɛbɛyɛ a ɔde yen bɛkɔ Onyankopɔn nkyɛn. Wɔkumm no wɔ ɔhonam mu nanso, wɔnam honhom so nyanee no.

Kolosefoɔ 1:18

Na ɔno ne nipadua a ɛno ne asafo no ti; ɔno ne mfitiaseɛ, awufoɔ mu abakan sɛ ɔnni adeɛ nyinaa mu kan.

Adiyisem 1:5

Na efiri Yesu Kristo a nye odansefoɔ nokwafoɔ ne awufoɔ mu abakan ne asase so ahene sodifoɔ no nkyen. Deɛ do yen, na de ne mogya adware yen afiri yen bone mu.

Asomafoɔ No Nnwuma 13; 32-34, Na yɛpae mu ka nsɛmpa kyere wo ---- saa bohye no a wɔde hye yen agyanom no. Onyankopɔn adi bohye yi so ama yen a yeye wɔn mma no, esiane sɛ Wanyane Yesu. Sɛdeɛ wɔatwere wɔ Nnwom a etɔ so mmienu nso mu sɛ: “Woye Me Ba, Enne Mawo Wo.” Na Wanyane No afiri awufoɔ mu, enye adeɛ a obesane ako porɔɛ mu bio, Waka sɛ, “Mɛma wo Dawid ahummɔborɔ no bi.”

[32] Kolosefoɔ 2:15, Adiyisem 1:18 ne Romafoɔ 8:37- 39, Saa nkwa no a sɛmaa Kristo dii obonsam gyam ne ahonhommɔne so no wɔ me mu. Mewɔ kyɛfa Ne sɔreɛ nkonimdie nkwa no mu. Mafa nkuranhye mu abɛduru gyinaessie mpɛmpensoɔ sɛ biribiara rentumi nni me so. Magye atom korakora sɛ amena donkudonku, adeɛ tenten, obayifoɔ, tebea biara nni ho a ebɛtumi adi me so. Mesene nkonimfoɔ. Medi nkonim ma eboro so. Bere biara, mesene nkonimdifoɔ esiane sɛ saa nkwa no a sɛmaa Yesu dii nkonim wɔ obonsam gyam so no wɔ me mu. Enam Ne so ne Ne nkwa a ewɔ me mu no ma nkonimdie a eboro so ye me dea.

Kolosefoɔ 2:15

Na ogyee mpaninnie ne atumfoɔ tumi firii wɔn nsa na odii wɔn so nkonim wɔ bere a oyii wɔn kyereɛ no.

Adiyisem 1:18

Me ne des ote aseɛ no, na mewuis, na hwe, Mete ase daadaa. Amen. Na Mekuta asamando ne owuo nsafɔa.

Romafoɔ 8:37-39

Nanso yeinom nyinaa mu no, yesene nkonimdifoɔ wɔ Deɛ ɔdɔɔ yɛn no mu. Esiane sɛ megye di sɛ, owuo anaa nkwa, anaa ɔsoro abɔfoɔ anaa mpaninnie anaa atumfoɔ, anaa nneɛma a ɛwɔ ho seesei anaa nneɛma a ɛbɛba, anaa bepo tenten anaa amena donkudonku, anaa abɔdeɛ biara nni ho a ɛbɛtumi ate yɛn afiri Onyankopɔn dɔ a ɛwɔ Kristo Yesu yɛn Awurade mu no ho.

[33] Efesofɔɔ 2:5 ne Kolosefɔɔ 2:13,

Onyankopɔn nyanee Yesu ne me bɔɔ mu. Wɔhyɛɛ me no No nso wɔ ne kenahyɛ ne ne nkonimdie mu. Me ne No dii nkonim wɔ bɛrɛ a Otuu ɔbonsam firii akonnwa so. Nkwa korɔ no ara a ɛmaa Yesu dii ɔbonsam gyam so nkonim no ahyɛ me ma. Onyankopɔn ahome saa nkwa foforɔ no ara agu me mu sɛdeɛ ɔhome guu Kristo mu no. Saa nkwa foforɔ yi afa me nnommum. Me ne Kristo wɔ kyɛfa wɔ saa nkwa foforɔ no ara a ɛnyanee No firii awufɔɔ mu no. Ne nkonimdie, sɔrɛɛ ne animuonyam nkwa no wɔ me mu.

Efesofɔɔ 2:5

Yɛn a anka yɛyɛ awufɔɔ wɔ mfomfoɔ mu no ne Kristo anya nkwa (adom na wɔde agye mo nkwa.)

Kolosefɔɔ 2:13

Na mo a anka moyɛ awufɔɔ wɔ mfomsoɔ ne mo honam momonotoyɛ mu no, wama mo Ne nkwa no bi, sɛ ɔde mo mfomsoɔ nyinaa kyɛɛ mo.

[34] Romafoɔ 6:4, Wɔsiee me ne Kristo na sɛdeɛ Agya no animuonyam nyanee No no, seesei mewɔ Ne nkwa no wɔ me mu. Mete ase, mekeka me ho, na metoto me nneyɛɛ wɔ saa tebea foforo yi mu, saa nkwa foforo a ɛwɔ me mu yi mu. Kristo wusɔreɛ nkwa no wɔ me mu. Wɔama me Ne nkwa nwanwasoɔ no sɛ memfa. Mewɔ nkwa korɔgyeenno wɔ me mu. Saa nkwa no hyɛ me so firi me mu.

Romafoɔ 6:4

Nti wɔnam owuo mu asubɔ so asie yɛne No sɛ, sɛdeɛ wɔnam agya no animuonyam so nyanee Kristo firii awufoɔ mu no, saa ara nso na yɛbenante wɔ nkwa foforo no mu.

[35] Romafoɔ 6:5, Me ne Kristo aka abom wɔ Ne wusɔreɛ no mu. Mewɔ wusɔreɛ nkwa te sɛ Ne deɛ no ara. Me ne No wuiɛ nti, meka Ne ho. Me ne No wɔ tebea baako wɔ berɛ me ne No kyɛ wusɔreɛ nkwa no a ɛyɛ nkwa foforo no a ɛte me mu seesei no. Wɔadua me ne Ne no wɔ Ne wusɔreɛ nkwa turo no mu a ɛma meso nnuaba bebreɛ.

Romafoɔ 6:5

Na sɛ yɛne No aka abom ayɛ baako wɔ ne wuo nsesoɔ mu a, saa ara nso na yɛne no aka abom ayɛ baako wɔ Ne wusɔreɛ nsesoɔ mu.

[36] Romafoɔ 6:8, Me, me honhom dada no ne Kristo na ɛwuiɛ na seesei mewɔ Ne nkwa foforo no wɔ me honhom mu. Mede Ne nkwa foforo no a ɔnyaɛ wɔ berɛ a wɔnyanee no wɔ honhom mu no anyane. Mewɔ kyɛfa wɔ Kristo wusɔreɛ nkwa no mu. Saa nkwa no a ɛmaa no dii ɔbonsam gyam soɔ no yɛ me dea.

Romafoɔ 6:10-11

Na deɛ ɔwuiɛ no, ɔwu maa bɔne prɛko, na deɛ ɔte aseɛ no, ɔte ase ma Onyankopɔn. 11 Saa ara na mommu mo ho sɛ moawu ama bɔne, na mote ase ma Onyankopɔn wɔ Kristo Yesu mu.

NKWA A ɛNNI AWIEEɛ MA MEMEE Wɔ ME HONHOM MU ɛKɔM HO

[38] Yohane 4:14, Mewɔ abura a nkwa a ɛnni awieeɛ ahyɛ no ma a ɛrehuru so wɔ me mu. Saa abura yi de nkwa a ɛnni awieeɛ nsuo regugu me so. Ɔsoro ahemman mu nkwa rehuru so wɔ me mu a ɛrema me nipadua aye frɔmm. Ɛma memee wɔ nokwasɛm ho ɛkɔm a ɛde me no ho. Ɛma memee wɔ me nipadua mu apɛdeɛ ho ɛsiane sɛ, ɛye Onyankopɔn no ankasa nkwa. Deɛ ɛwɔ Onyankopɔn no ankasa mu no wɔ Ne nkwa no mu. Onyankopɔn no anksa ma memee. Onyankopɔn nkwa no ahyɛ me mu ma na ɛrebunkam fa me so.

Yohane 4:14

Na deɛ ɔbenom nsuo a mɛma no bie no, osukɔm renne no da. Na nsuo a mɛma no no beyɛ nsubura a ɛworo so kɔ nkwa a ɛnni ɛwieeɛ mu wɔ ne mu.

[39] Yohane 6:35, Yesu; m'awurade ye paanoo a ɛma nkwa. Manya No; Manya nkwa. Saa nkwa no ma memee wɔ me honhom mu ɛkɔm ho. Ɛma m'ani gye na ɛhyɛ me nipadua akwaa baabiara ma. Mewɔ saa nkwa no a ɛfiri ɔsoro ahemman mu a ɛgu so woro so wɔ me mu berɛ biara, a ɛde ɔsoro ahemman mu nhyira, ɔsoro ahemman mu anigyɛɛ ne ɔsoro ahemman mu akomatɔyam brɛ me. Ɛde Onyankopɔn no anksa tebea no hyɛ me nipadua nyinaa ma.

Yohane 6:35

Na Yesu ka kyerɛ wɔn sɛ, “Me ne nkwa paanoo no. Deɛ ɔba Me nkyɛn no, ɛkɔm renne no da, na deɛ ɔgye Me die no, osukɔm renne no da.”

[40] **Yohane 7:38**, Asubɔntene a ɛma nkwa tene wɔ me mu, ɛtene wɔ me nipadua mu. Nkwa nsuo tene firi me mu tɔnn. Nkwa nsusuan tene wɔ me mu pue firi m’akoma mu a ɛma me nipadua nkwa na ɛka wɔn a wɔbɛn me nyinaa. Me yafunu mu na asubɔtene a ɛma nkwa tene firi.

Yohane 7:38

Deɛ ɔgye Me die no, sɛdeɛ Twerɛsɛm no aka no, nkwa nsuo bɛtene afiri n’akoma mu.

[41] **Adiyisɛm 21:6**, **Adiyisɛm 22:1** ne **Adiyisɛm 22:17**, Metumi nom me nkwa nsuo a abu soɔ no wɔ ahotɔ mu. Menom nsuo a ɛtene firi ahennwa no anim a emu tɛɛ na ɛyɛ korɔgyenn sɛ ahwehwɛ no. Saa nkwa no de ɔsoro ahemman mu tebea tene ba me mu. Ɛma me ahɔɔden, ɛhyerɛn firi me mu. Ɔsoro ahemman mu nkwa gu so tene ba me mu a ɛde ɔsoro ahemman mu nhyira, ɔsoro ahemman mu anigyɛɛ ne ɔsoro ahemman mu abotɔyam brɛ me. Ɛyɛ me ahosɛpɛ sɛ saa nkwa no retene ba me mu. Ɔsoro ahemman mu nhyira nam me so.

Adiyisɛm 21:6

Na ɔka kyerɛ me sɛ, “Wɔawie! Me ne Alpha ne Omega, Ahyɛsɛɛ ne Awieɛɛ. Me na mede nkwa asutire mu nsuo bɛkyɛ obiara a sukɔm de no kwa.”

Adiyisem 22:1

Na akyerεε me nkwa asutene a ani te korɔgyenn sε ahwehwe a ɛretene firi Onyankopɔn ne odwammaa no ahennwa no mu.

Adiyisem 22:17

Na Honhom no ne ayeforɔ no se, “Bra!” Na ma des ɔte no nka sε, “Bra!” Na ma des sukɔm de no no mmra. Des ɔpε biara mmεgye nkwa nsuo no kwa.

NKWA A ɛNNI AWIEEƐ A MENYAƐƐ NO MAA MEDEE ME HO FIRII Ɔbonsam mpokyerε Mu

[42] 1 Yohane 3:14, 15 ne Hebrifoɔ 2:14, Menim sε matwam afiri owuo mu kɔ nkwa mu. Maysε mmɔtra afiri owuo so kɔ nkwa mu. Wɔayi me afiri owuo mu kɔ nkwa mu. Matwam afiri owuo mu kɔ nkwa mu; Matwam wɔ ɔbonsam mpokyerε mu. Ɔdi ne hene wɔ baabi a owuo wɔ. Matwam afiri owuo mu kɔ nkwa mu. Yei nti, matwam afiri ne tumi ase. ɔbonsam nni tumi wɔ m’abrabɔ mu. Ɔnni huu; wɔagyε ne tumi no. Ɛnam nkwa a ɛnni awieeε a manya no so ama wɔagyε me afiri ne tumi ase.

1 Yohane 3:14-15

Yenim sε yεatwam afiri owuo mu kɔ nkwa mu, ɛsiane sε yεdɔ anuanom no. Obiara a ɔnnɔ ne nua no te owuo mu. Obiara a ɔtan ne nua no yε owudini, na monim sε owudini biara nni daa nkwa wɔ ne mu.

Hebrifoɔ 2:14

Nti sɛdeɛ mma no anya honam ne mogya korɔ no bi no, saa ara nso na ɔno nso faa mu bi, sɛ ɔnam owuo so betu deɛ ɔwɔ owuo tumi a, ɔno ne ɔbonsam no.

[43] Asomafɔɔ No Nnwuma 26: 18, Yesu ne Nkwa Awurade. Ɔno ne wɔn a wɔanya nkwa a ɛnni awieeɛ no nyinaa Awurade. Matwam afiri owuo mu kɔ nkwa mu. Matwam afiri tebea a ɔbonsam yɛ Owura wɔ hɔ no kɔ tebea a Yesu na ɔyɛ owura wɔ hɔ no mu. Wɔasesa me. Wɔayi me afiri owuo mu kɔ nkwa mu. Made me ho afiri ɔbonsam mpokyerɛ mu. Honhom mu owuo de me hyɛ ɔbonsam mpokyerɛ ase. Nkwa a ɛnni awieeɛ maa medee me ho firii mu. Mafiri owuo tenabea na wɔde me aba tenabea a Yesu yɛ Owura wɔ hɔ.

Asomafɔɔ No Nnwuma 26: 18

Sɛdeɛ ɛbeyɛ na wɔɛɛbue wɔn ani na wɔadane wɔn afiri esum mu akɔ hann mu, afiri ɔbonsam tumi mu akɔ Onyankopɔn tumi mu, sɛdeɛ wɔɛɛnya bɔne ho bɔnefafiri ne adedie wɔ wɔn a Me mu gyidie nti wɔate wɔn ho no mu.

[44] Kolosefɔɔ 1:13-14, Wɔayi me afiri esum tumi mu na wɔde me aba Ɔba no ahennie mu. Matwam wɔ ɔbonsam mpokyerɛ mu. Wɔadua me wɔ Ɔba no tenabea mu. Made me ho afiri nhyɛsoɔ a ɛfiri honhom mu esum tumi ase no ho. Berɛ a menyaa nkwa a ɛnni awieeɛ no, mefirii ɔbonsam mmara ase baa Onyankopɔn Ba no wiase foforɔ no mu. Ne mu na menyaa nkwagyɛɛ ne faahodie. Mekuta agyedɛɛ a ɛyi me firi nnommum mu. Made me ho afiri ɔbonsam mpokyerɛ mu te sɛ deɛ Isrealfoɔ nyaa wɔn faahodie firii Pharoah mpokyerɛ mu wɔ berɛ a wɔwaree Ɛpo Kɔkɔɔ no ara pɛpɛɛpɛ. ɔbonsam ahwere ne mpokyerɛ wɔ me so, m'adwene so, me nipadua so, me sika so ne biribiara a mewɔ so.

Kolosefoɔ 1:13-14

Wagye yɛn afiri esum tumi ase na ɔde yɛn aba Ne Dɔba no ahennie no mu, ɔno na enam ne mogya so ma yɛnya nkwayeɛ ne bɔnefafirie wɔ ne mu.

[45] Romafoɔ 5:17, Meɣe ɔhempɔn wɔ Kristo nkwa foforo no mu. Medi adeɛ sɛ ɔhempɔn wɔ nkwa tebea foforo no mu. Honhom mu owuo maa meɣeɛ akɔa maa ɔbonsam. Nkwa a ɛnni awieeɛ ama made me ho afiri ne tumi ase na ɛde me adi ne so. Nkwa a ɛnni awieeɛ ma meɣe sodifoɔ; ɛma meɣe ɔhempɔn. Medi hene wɔ ɔbonsam so. Medi yareɛ so. Medi bɔne so, medi ohia ne tebea biara so. Menam Ysu Kristo so di hene nkonimdie so wɔ abrabɔ mu.

Romafoɔ 5:17

Na sɛ enam ɔbaakofoɔ mfomsoɔ so maa owuo dii hene wɔ ɔbaakofoɔ no so a, saa ara nso na enam ɔbaakofoɔ no a ɔne Yesu Kristo no so ma wɔn a wɔnya adom mmorosɔɔ ne teneneɣe ho akyɛdeɛ no bɛdi hene wɔ abrabɔ mu.

NKWA A ENNI AWIEEƐ KA ME NE KRISTO BOM

[46] | Yohane 5:11-13, Onyankopɔn ama me nkwa a enni awieeƐ. Ɖde ahyɛ me mu. Nkwa a ɛwɔ me mu no ara na ɛwɔ Ɖba no mu. Mewɔ nkwa. Mehyɛ no nso, megye di na menim sɛ mewɔ nkwa a enni awieeƐ wɔ me nipadua mu. Onyankopɔn ama me nkwa; nkwa korɔ no ara a ɛwɔ Ɖba no mu no. Mewɔ saa nkwa no ara wɔ me mu. Mekuta nkwa a enni awieeƐ.

| Yohane 5:11-13

Na yei ne adansedie no: sɛ Onyankopɔn ama yɛn nkwa a enni awieeƐ na saa nkwa yi wɔ Ne Ba no mu. Deɛ ɔwɔ ne Ba no wɔ nkwa; deɛ enni Onyankopɔn Ba no nni nkwa. Yeinom na matwɛɛ ama mo a mowɔ gyidie wɔ Onyankopɔn Ba no din mu, sɛ mobɛhunu sɛ mowɔ nkwa a enni awieeƐ na mobɛkɔ so anya gyidie wɔ Onyankopɔn Ba no din mu.

[47] Yohane 6:53-57, Madi Ne honam. Manom Ne mogya. Ɖwu maa me. Mewɔ nkwa wɔ me mu seesei. Mewɔ nkwa a enni awieeƐ dada. M'ani gye wɔ saa nkwa yi a ɛwɔ me mu no ho. Madi Ne honam na manom Ne mogya. Me ne No aka abom na Ɖno nso ne me aka abom. Nkwa a enni awieeƐ ka me Ne no bom. Saa nkwa korɔ no ara a ɛwɔ Ne mu no wɔ me mu seesei. Saa nkwa no ma yɛyɛ baako. Sɛdeɛ Yesu nam ɔne Agya no nkabom so gye nkwa firi Agya no hɔ no, saa ara nso na megye nkwa firi Yesu hɔ wɔ me ne No nkabom nti. Megye nkwa firi Kristo hɔ. Me ne No wɔ nkabom.

Yohane 6:53-57

Enna Yesu see wɔn sɛ, “Nokorɛ, nokorɛ, mese mo sɛ, moanni Onipa Ba no honam na moannom ne mogya a, monni nkwa wɔ mo mu. Des ɔdi me honam na ɔnom me mogya no wɔ nkwa a enni awiees na mɛnyane no sɔda a sɔdi akyire no. Na me honam yɛ aduane ampa, na me mogya yɛ anonnes ampa. Des ɔdi me honam na ɔnom me mogya no te me mu, na me nso mete ne mu. Sɛdes Agya a ɔte aseɛ no somaa me No na Agya no nti mete aseɛ no, saa ara nso na des ɔdi me honam no nso, me nti, ɔbɛtena ase.

[48] Yohane 14:19 ne 20, Esiane sɛ Ɔwɔ nkwa nti, me nso mewɔ nkwa. Ɔwɔ nkwa wɔ Ne mu. Mewɔ saa nkwa no ara wɔ me mu. Me ne Yesu kye nkwa korɔ. Menim sɛ me ne No aka abom ma Ɔno nso ne me aka abom. Yɛyɛ baako. Ɔyɛ honhom; Ɔwɔ nkwa. Meyɛ honhom; Me nso mewɔ nkwa. Me ne No aka abom na Ɔno nso ne me aka abom.

Yohane 14:19-20

“Aka kakra na wiase nhunu Me bio, na mo des mobɛhunu Me. Esiane sɛ Mete aseɛ nti, mon so mobɛtena ase, Saa da no, mobɛhunu sɛ Mewɔ Agya no mu na mowɔ Me mu na Mewɔ mo mu.”

[49] Yohane 15:4 ne 5, Mewɔ Kristo ankasa nkwa no. Me ne Yesu kye nkwa korɔ. Me ne No wɔ nkabom mu. Me ne Onyankopɔn Ba no aba nkwa nkabom mu sɛdes dua mman ne dua no wɔ nkabom ara pɛ. Ɔno ne dua no; Me ne dua mman no. Sɛdes dua mu nkwa tene fa dua mman mu no, saa ara nso na Ne nkwa, Onyankopɔn nkwa no, Onyankopɔn Tebea no tene ba me mu nenam me mu. Menya me nkwa firi Ne hɔ. Me ne no kye Ne nkwa. Saa nkwa no ma meso aba.

Ɛma Kristo nyini wɔ me mu. Kristo renyini wɔ me mu. Yesu ne me abom anyini. Deɛ ɛwɔ dua mu biara tene fa ne mman mu. Deɛ ɛwɔ Ne mu biara tene ba me mu. Deɛ ɛwɔ Ne mu nyinaa yɛ deɛ ɛwɔ Ne nkwa mu. Deɛ ɛwɔ Ne mu nyinaa wɔ me mu. Biribiara a ɛwɔ dua no mu ahyɛ me ma. Kristo wɔ me mu. Me ne deɛ ahyɛ Onyankopɔn tire mu ma no aka abom.

Me ne Deɛ ɔkuta nyansa ne nimdeɛ nyinaa no wɔ nkabom mu. Me ne Ɔbɔadeɛ ne Wiasekorafɔɔ no wɔ nkabom mu. Me ne mpaninnie ne tumi nyinaa so Otumfɔɔ no wɔ nkabom mu. Me ne Kristo wɔ nkabom mu.

Yohane 15:4-5

Montena me mu, na me nso mentena mo mu. Sɛdeɛ mman ankasa rentumi nso aba gye sɛ stena ne dua mu no, saa ara nso na morentumi gye sɛ motena me mu. Mene dua no, mo ne mman no. Deɛ ɔte Me mu na me nso mete ne mu no, ɔso aba pii; na sɛ mokwati Me a, morentumi nys hwee.

ONYANKOPŌN NKWA A ƐWŌ ME MU NO BUE M'ADWENE MU NA ƐMA MEDI MU

[50] Yohane 1:4 ne Yohane 8:12, Onyankopŏn nkwa no ma hann. Saa nkwa no a Ɛwŏ me mu no hyersŋ wŏ m'adwene mu. Hann a Ɛfiri me honhom mu bŏ wura m'adwene mu na esum a Ɛkata nimdeƐ so no ntumi nnyina ano. Honhom na Ɛma m'adwene nimdeƐ na ƐkyerƐkyerƐ no deƐ ɔnyƐ.

Honhom redi m'adwene so. Onyankopŏn nkwa a Ɛwŏ me mu no de hann rebunkam fa m'adwene so. Mennante wŏ adwene mu esum mu. Onyankopŏn nkwa a Ɛwŏ me mu no gye m'adwene ne me nipasu firi nnommum mu. Saa nkwa no, Kristo nkwa no, Ɛma me kra de Kristo biribiara nyini yƐ frŏmm. Ne nkwa no a asŏre wŏ me mu no ama Kristo biribiara rehyehyƐ wŏ me mu. Ne nyansa wŏ me mu Ɛsiane sƐ, Ne nkwa no wŏ me m. Kristo ho nteaseƐ no renya tumi wŏ me mu. Kristo nipasu rehyehyƐ wŏ me mu. Nkwa a Ɛnni awieeƐ bue m'adwene mu na Ɛma medi mu. Mennante wŏ esum mu na mmom, mewŏ Kristo nyansa no a Ɛma me akwankyerƐ wŏ m'anammŏntuo mu.

Yohane 1:4

Ne mu na nkwa wŏ na nkwa no ne nnipa hann.

Yohane 8:12

Ɛnna Yesu kasa kyerƐƐ wŏn bio sƐ, “ Mene wiase hann no. DeƐ ɔdi m'akyi no rennante esum mu na mmom, ɔbenya nkwa mu hann.”

ONYANKOPƆN NKWA A ƐWƆ ME MU NO PAM BƆne, yareɛ ne ɔbonsam

[51] | **Yohane 3:9**, Mewɔ Onyankopɔn ankasa su wɔ me mu. Saa Ɔsoro nkwa no wɔ me mu na ɛdi me so. Mafa m'agya su ne n'awosuo. Saa nkwa no a ɛwɔ me mu no di bɔne so. Menyɛ bɔne. Made me ho afiri bɔne ho mmara nnommum ase ɛsiane sɛ, Onyankopɔn nkwa no wɔ me mu na ɛdi me so.

| Yohane 3:9

Obiara a Onyankopɔn awo no no nyɛ bɔne, ɛsiane sɛ, N'aba wɔ ne mu; na ɔrentumi nyɛ bɔne, ɛsiane sɛ, Onyankopɔn awo no.

[52] | **Yohane 5:4**, Onyankopɔn awo me a ne nkwa no wɔ me mu. Meys nkonimdifoɔ wɔ wiase so; Medi wiase so. Wɔwoo me sɛ mesene nkonimdifoɔ. Onyankopɔn nkwa a ɛwɔ me mu no di nkonim wɔ wiase a atwa me ho ahyia no so berɛ biara. Medi nkonim wɔ nneɛma a ɛwɔ wiase no so – bɔne, yareɛ, ne ɔbonsam. Megu so yɛ nkonimdifoɔ wɔ wiase so ɛsiane sɛ, Onyankopɔn awo me a Onyankopɔn nkwa no wɔ me mu.

1 Yohane 5:4

Na biribiara a ɛfiri Onyankopɔn no di wiase so. Na yei ne nkonimdie a ɛdi wiase so no – yɛn gyidie.

[53] | **Yohane 5:18**, Manya nkwa foforo afiri Onyankopɔn ho. Onyankopɔn awo me. Osoro nkwa a eyɛ Onyankopɔn Ba no dea no bo me ho ban. obonsam ntumi mfa ne nsa nka me. obonsam ntumi nkyekyere me. Onyankopɔn nkwa no a ewo me mu no pam bone, yares ne obonsam. Ehyeren wo me mu, ema me animuonyam. Eɔpam honhommone ne yares te se atwefam mu ahoden. Onyankopɔn nkwa no hyeren wo me mu a eɔpam bone, yares ne obonsam.

| Yohane 5:18

Yenim se obiara a Onyankopɔn awo no no nye bone; na deɛ Onyankopɔn awo no no kora ne ho, na obonefoɔ no ntumi mfa ne nsa nka no.

[54] **Romafɔɔ 8:11**, Onyankopɔn Honhom no aye ne fie wo me nipadua mu. Ode Onyankopɔn nkwa no apete me nipadua ho, mpo me honam nyinaa. Onyankopɔn nkwa no retene firi me honam ho ko me nipadua mu a eɔye no fromm na abo ho ban afiri nyarewa ahodoɔ ho. Onyankopɔn nkwa no wo Yehowa Rapha nkwa no mu, ono a oye Osoro Yaresafoɔ. Awurade nkwa no a esa me yares no reye adwuma wo me nipadua mu a eɔkumkum na eɔpampam yares. Onyankopɔn nkwa no pia yares firi me nipadua mu. Onyankopɔn Honhom no de Onyankopɔn nkwa no fa me nipadua mu ma me kra ne me honam. Ode ahoden ne ahokeka bre me nipadua. Onyankopɔn Honhom a eɔtene firi me honhom mu no de nkwa foforo hye me ma na ska me nipadua mpo.

Romafɔɔ 8:11

Na se Deɛ onyanee Yesu firii awufɔɔ mu no Honhom te mo mu a, Deɛ onyanee Kristo firii awufɔɔ mu no nam Ne Honhom a ste mo mu no so bema mo nipadua a stumi wuo yi nkwa.

[55] **Romafoɔ 5:10**, Wɔagye me nkwa, wɔasa me yareɛ, wɔakora me, wɔayi me afiri amaneɛ mu na Kristo nkwa a ɛwɔ me mu nti, me ho atɔ me. Saa nkwa no ma mede me ho firi bɔne mpokyerɛ mu, ɛma mede me ho firi yareɛ mpokyerɛ mu na ɛma mede me ho firi ɔbonsam mpokyerɛ mu. Onyankopɔn nkwa a ɛwɔ me mu no pam bɔne, yareɛ ne ɔbonsam. Ne nkwa a ɛwɔ me mu nti, wɔagye me nkwa. Ne wusɔreɛ nkwa a ɛwɔ me mu nti, dabiara wɔyi me firi bɔne ne yareɛ mpokyerɛ mu.

Romafoɔ 5:10

Na sɛ bere a yeyɛ atamfoɔ no, wɔnam Ne ba no wuo so aka yɛne Onyankopɔn abom a, afei mmom a wɔaka yɛn abom yi, Ne nkwa no begye yɛn nkwa mmorosɔɔ.

NKWA A ENNI AWIEEƆ NO REYƆ KESEƆ NA ƐRETU MPƆN WƆ ME MU

[56] Yohane 6:63 Ne Yohane 6:68, Ne nsɛm de nkwa mmorosoo rebrɛ ne seesei ara. Nkwa ahyɛ Ne nsɛm mu ma. Ne nsɛm bɔ wura me mu na ɛde nkwa bɛhyɛ mu. Nsɛm a ɛrekɔ me mu seesei no de nkwa rehyɛ me ma.

Yohane 6:63

Eyɛ Honhom no na ɛma nkwa; honam no deɛ ɛmma hwee. Nsɛm a meka kyere mo no yɛ honhom, na eyɛ nkwa.

Yohane 6:68

Na Simon Petro buaa No sɛ, “Awurade, hwan nkyɛn na yɛnkɔ? Wo na wowɔ nkwa a ɛnni awieeɛ nsɛm no.”

[57] Hebrifoɔ 4:12, Onyankopɔn Aɛm de ahooɔden wɔ nkwa. Ɛte ase, ɛwɔ ahokeka tumi; ahooɔden ahyɛ no ma. Nkwa ne tumi ahyɛ no ma. Onyankopɔn nkwa ahyɛ Onyankopɔn Aɛm mu ma. Onyankopɔn Aɛm no de Onyankopɔn nkwa mmorosoo rehyɛ me mu . Onyankopɔn nkwa no retu mpɔn wɔ me mu. Onyankopɔn Aɛm no rebɔ wura me mu a ɛde nkwa rehyɛ me ma. Ɛrebɔ wura me nipadua mu seesei na ɛde nkwa ne tumi rehyɛ me ma.

Hebrifoɔ 4:12

Na Onyankopɔn aɛm wɔ nkwa na tumi wɔ mu, na ano yɛ nnam sene sekan anofanu biara, na ɛhwire mu kɔduru sɛ ɛpaepae ɔkra ne honhom, ne nipadua apɔ so ne ehon mu, na eyɛ akoma mu nsusuis ne adwene asetefoɔ.

[58] Galatifoɔ 6:8, Megu so regu Onyankopɔn Asem wɔ me mu no, metwa Onyankopɔn nkwa mmorosoo wɔ me honhom mu. Onyankopɔn Asem kuta Onyankopɔn nkwa ne n'ahoden. Saa nkwa ne ahoden no ahyɛ me ma. Ekwɔ so de ahoden woso firi me mu. Onyankopɔn Asem no rebɔ wura me nipadua mu na epae nkwa gu me mu. Onyankopɔn nkwa no rehyerɛn firi me mu.

Galatifoɔ 6:8

Deɛ ɔgu aba ma ne honam no, ɔfiri honam mu betwa porɔɛ, na deɛ ɔgu aba ma Honhom no, ɔfiri Honhom mu betwa nkwa a sɛnni awieɛɛ.

[59] Yohane 10:10, Mewɔ nkwa a sɛnni awieɛɛ wɔ me mu. Mewɔ ma ɛboro so, ɛboro so a ɛrebu fa so. Meretrɛ wɔ n'ahoden mu sɛdeɛ mɛtumi agye Onyankopɔn nkwa no mmorosoo. Mewɔ nkwa a ɛrebu fa so wɔ me mu. Mewɔ nkwa ma ɛboro so. Mewɔ nkwa a ɛdɔso boro so. Eworo so wɔ me mu te sɛ asorɔkye. Ebunkam na ɛtene fa m'adwene ne me nipadua so, a ɛde nhyɛananmu ne tumi brɛ me kra. Osoro ahemman mu nkwa no redi ahyɛmfire wɔ me te sɛ asutene. Nkwa asutene bi, Onyankopɔn deɛ no bi retene wɔ me mu. Nsɛnkyerɛnneɛ nkwa, nkwayeɛ nkwa, osoro ahemman mu nkwa wɔ me mu. Enam Asem no ne Honhom no so retu mpɔn mmorosoo wɔ me mu.

Yohane 10:10

Owifoɔ no mma gye sɛ ɔrebɛwia, na wakum na wasse. Me deɛ mebaeɛ sɛ wɔbenya nkwa na wɔanya no mmorosoo.

YEN NE HWAN?

Onyankopɔn nam frɛ a wafɛ yen ne hunu a ɔhunuu yen sɛ ne MMA no so de ɔɔ a ɛnni kabea na emu dɔ adɔ yen. Wiase nhunu yen sɛ yɛyɛ Onyankopɔn MMA ɛsiane sɛ, wiase nnim Onyankopɔn.

Nokwasɛm, seesei, yɛyɛ **ONYANKOPɔN MMA!!!** Sɛdɛ yɛbɛyɛ no nna adi wɔ berɛ a Yesu bɛba no ho na mmom, yɛgye di sɛ, ɔba a, **Yɛbɛyɛ Sɛ ɔNO**, ɛsiane sɛ yɛbɛhunuu sɛdɛ ɔtɛ ankasa. Saa anidasɔ yi ma yɛyɛ ateneneefɔ sɛdɛ ɛbɛma yɛayɛ sɛ Yesu wɔ Ne teneneeyɛ nyinaa mu. Aane Agya, Megye dɛ woka fa me ho no tom. Me ne hwan, Mɛyɛ dɛn ne dɛ Mɛtumi ayɛ – **Wɔ WO MU!**

ɛnyɛ ho saa.

**TWERESEM NO MU AKENKANSEM AHODOO A WOBETUMI
AKENKAN AFA MMA A YEYE NO HO**

Mateo 5

Galatifoɔ 4:5-7

Yohane 1:12

Efesofɔɔ 1:5

Romafoɔ 8:14-17

Filipifoɔ 2:15

Romafoɔ 8:19

Hebrifoɔ 2:10

Romafoɔ 9:26

1 Yohane 3:1, 2

Galatifoɔ 3:26

Adiyisem 21:7

WORLD MISSIONS MINISTRY

(WIASE NYAMESOM HO ADWUMAKUO)

Dwuma a esi saa Adwumakuo yi ani so ne se wɔbeboa ama Onyankopɔn Ba no ho nimdeɛ ahyeta wɔ wiase. Wiase Nyamesom ho Adwumakuo yi wɔ Asɔfokuo a wɔasi nkete se wɔbetu anammɔn de aboa ma saa awieɛ berɛ yi mu botaeɛ yi awie pɛ ye.

Email: celebration.mission@gmail.com

Website: www.celebrationcity.net

CONTACT

Email: theolikhi@live.com/cdaconsul@gmail.com

Tel: +233146591031/+2330245002535